



THE DAYBREAK.

“Wankantanhan Anpao kin hiyounhipi.”—Luke 1. 78.

Vol. XXVI-No. 6

FOREST CITY, SO. DAK., APRIL, 1911

Wokajugu 50 Cents

WOTANIN.

Haiti, Africa ekta Hasapa unpi, hena United States etanhan iglakapi qon, wicihakab Hasapa wicaša wakan iyaya na oyate kin om un. Ohakab wicaša wakan kin he Bishop un kta kañigapi na yuwakanpi. Yunkan waniyetu wikemna nom aktonyan wowaši econ na lecala te.

Kansas City obašpe eyapi kin Bishop tawapi te cin unkoyakapi qon, obašpe kin he lecala mnicia-pi na tuwa Bishop un kta cinpi kin he kañigapi. Yunkan Bishop Partridge. Japanese makocce ekta, Kyoto obašpe on Yewicašipi Bishop un kin he kañigapi. Yunkan maza awicakipe na iye-winičiye keya.

Wašicun ekta Koškalaka omniciye (Christian heca) otapi, na hena token Christ tokiconze pawankan yuzapi kte cin ohinni akitapi. Lakota ekta lena etanhan nom wanna slolunyanpi, Y. M. C. A. na St. Andrew Sunkakiciyapi. Eya wašicun ekta okolakiciye iyuha opapi etanhan Y. M. C. A. el opeyapi, tka hehan Okolakiciye etanhan iye koškalaka omniciye aecela yuhapi, na St. Andrew Sunkakiciyapi wanji heca, Skain Okolakiciye etanhan.

Ho tka wašicun ekta inakiciwizi-pi naiš kicipajinpi šni, na kinukanyan unpi eša tuktektel witaya se wiyukeanpi, na wicohan wakan, na Christ tokiconze kin on okiwanjila waeconpi ece lehanl. Lakaš hekta wiakenonpa Advent omaka icunhan, Anpetu wakan nom oko kin, iyuha oinajin tawapi kin el maka akan wicaša iyohi na oyate oyasin cantepi el Christ tawacin kin iwicacagin kta e ptayela se wocekiye eyapi kta unkoyakapi qon.

Yunkan taku kin he lila tanyan econpi ablezapi, na sam wašagya okihikiciyapi cinpi kin on ake wikiciyukeanpi na tokel isanpa tanyan econpi kta ca okalinihikiciyapi

kin on lehan lecel eyapi. Ito Christian wicota Anpetu wakan oko wan—Holy Week (Easter itokab Anpetu wakan kin iyohakab anpetu šakpe) eciyapi kin icunhan Wakantanka Cinhintku kin makata hi qonhan, na “wicaša unkiyepi on, na unni-pi kta e” tokel kaki-je na te cin kiksuyapi ece, hecel ito le omaka kin Holy week icunhan, maka akan Christ toslolye na tawowanikiye sansanpa icagin kta e witaya, anpetu iyohila waceunki-yapi kta, eyapi na Ho econqonpi kte lo’ akiciyuptapi.

Yunkan taku kin le on St. Andrew Sunkakiciyapi kin lila wawiyopastake, na tona he ounpapi kin he ogna econqonpi kta cinunki-yapi. Eya lecel konzapi šni eša, hecel econqonpi kta ca woopce ikonnyakapi—anpetu iyohila Christ tokiconze icagin kta wocekiye eyapi kta woopce kin he—na he unki-kisuyapi hecinhan le ogna wicota patawanjila waeconpi kta iwa-cinunyanpi kin iyuškinyan econ-qonpi kta iyececa. Eya Koškalaka omniciye tona opapi kin henala leconpi kta he kapi šni, tuwa Chris-tian heca kinhan iš eya econ kta kipi. Hecel ito Lakota unqonpi kin tokša April 9–15 kinhan unki-kisuyapi na econqonpi nin.

Zuya yapi kta canahan itokab tokel econpi kta iwoglakapi, na wipe tona yuha yapi kte cin awac-inpi na yuwiyeyapi ece, maza akan, maza akan ota utapi kin hena, tka wanna iyayapi na wipe kipiya yuhapi eša cahli, naiš iyena yuhapi šni hecinhan wanna kiciza-pi can tokel ohiyewicayapi kta awacinpi eša oicihipi kte šni. Christian heuncapi ca unkoglakapi sa, na wipe kin kana unyuhapi cajeunyatapi ece eša, zuya unyan-pi na “wokicize kin wašte, he ecamon kta wacin” unlowanpi kin, oštin unkokihipi kte cin kipiya awauncinpi šni, naiš ataya unka-ktionjapi iteka.

Okolakiciye wakan on, woceki-ye on koškalaka omniciye elcel iwoglakapi, na Christian ozuye on

walitakapi kta e iyokicipaštakapi he hecetu, tka ozuye iwokicigla-kapi enakiyapi na taku on oicihipi kte cin conana yuhapi, naiš ataya aktonjapi kinhan, Wakan šica, woabtani, na maka kin le kipajin-yan wokicize econqonpi kta unko-kihipi kte šni. Wacekiyapi eyapi kin tokel unkeyapi kte cin, unki-yepi on, wicaša tokeca on, maka owaneaya kin on, unkeyapi kta iyececa kin ecetuke šni lakaš tuktekte waunšakapi šni, na toka kin unkopi na yazan unipayapi. Hecel ito wokicize unkitawapi el iwicawašake kin—wocekiye kin he—piya econqonpi kta, nahan anpetu šakpe kañigapi kin icun-nan, tiwahe el, tipr wakau kin el, kieiksuya lila econqonpi kta wašte. Nahan icunhan wocekiye wowapi kin yublapi 95 etanhan 126 hebanyan, anpetu iyohila Wowapi na Wotanin wašte kañigapi kin, anpetu iyohi on-špa tawa kin unyawapi wašte.

Ito le ihukuya owapi kin yawa na awacin piye. Wicoie wanji “canku” eyapi on Wowapi wakan oegle wanjikji tokel eye cin heca heon.

CANKU.

Canku wanji ecetu seca wicaša itokab, tka he iyohakabya wicon-te iyagleya. Wic. Wak. 14:12.

Wicaša šica tacanku kin he Je-howa walitelašni, tka tuwe woowo-tanla ope cin he wašelaka. Wico. Wakan 15:9.

Wicaša kujapi (škankapi) ta-cankupi kin wapepeka malinatake wan iyececa, tka wicaša owotanla tacanku kin he yublajapi. Wico. Wak. 15:19.

Wicaša iye tacanku kin oyasin ecela kecin, tka woniya wicatkau-ta kin Jehowa kin hee. Wico. Wak. 16:2.

Wicaša towitkotkoke cin canku kin glupemni, na cante kin canze-kiya. Wico. Wak. 1:3.

Wicaša oye kin he Jehowa etanhan, hecel tokiyatnhan wi-caša canku iglukean he. Wico. Wak. 20:24.

Wicaši iyohi tacanku kin oyasin

ecetu kecin, tka Jehowa wicacante oyasin aspekiya. Wico. Wak. 21:2.

Wicaša wan wookašige canku kin etanhan nuni kin he wicaša tapi yuwitayapi om yankin kta. Wico. Wak. 21:16.

Otokahe etanhan hokšila tacan-ku kin ogna kihya yo, hecel wicahca eša elpekiye kte šni. Wico. Wak. 22:6.

Niye nitawacinpi kin mitawašin kin hec šni, na mitacanku kin he nitacankupi kin ee šni, Jehowa eya. Isa. 55:8, 9.

Jehowa kaken eya, Canku kin ogna inajin na etonwan piye; na tannina canku kin on wiyunga po; canku wašte kin tukte e hecinhan, na he ogna ya po, kinhan ni-nagipi on woosikiye iyeyapi kta ee. Jer. 6:16.

Han, Ikcewicaša oyate ota upi kta na heyapi kta: U piye, Jeho-wa Paha tawa kin ekta unyanpi kta, Jacob ta Wakantanka ti kin ekta; hecel iye tacanku kin on-spunkiyapi kta, na ocanku tawa kin ogna maunni-pi kta; Zion etanhan woopce wan hinape kta, na Je-howa oie kin Jerusalem etanhan kta lakaes. Mika 4:2.

Tohinni Convocation el wayu-štanpi kin ake unki-kisuyapi kta iyececa. Easter omaka kin—Easter Anpetu, na Easter iyoha-kab Anpetu Wakan tokaheya iye-kogna—iyehantu eca Niobrara Convocation ekta Kañinhi yapi kte cin hena wicakaligapi kte cin hee. Heconpi kta ca Wo’na kaga, na wocekiye oyanke iyohila waktapi na ecel econpi wašte. Kinhan tuwe kañigapi hecinhan kohan igluwiyeyapi kta okihipi kta, hecel wojupi kin, iš peji okašla kin, na takku yuša šniyan yapi okihipi kte.

Good Shepherd,
Little Oak Creek, S. D.

Anpao kin:

Kola yaotanin ciši kte lo. He-cta Nov. 24, 1910 he ehan wiko-ška wan te, na he lecel eciyapi Miss Amy White Earth.

Na ake Dec. 10, 1910 hehan wikoška wan wašte te, na he lee Carrie White Earth hee. Lena Wakantanka etanhanpi canke ma-ka akan ti unpi kta okihipi šni na lehanl wowašte makocce el iyu-škin unpi unkecinpi.

Johnson B. Eagie.

THE DAYBREAK.

REV. E. ASHLEY: : : : EDITOR

REV. W. HOLMES. Assoc. Editor

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 50 cents per annum and may be paid in Money Order or two cent postage stamps.

Single subscriptions for six months, 25 cents.

All subscriptions and matter for publication should be addressed to

REV. E. ASHLEY
Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain official notices and accounts of official acts and visitations of the Bishop. It is hoped that our people will take it and circulate it.

PRINTED at the office of the "Forest City Press."

ENTERED at the Postoffice at Forest City, So. Dak., as second class matter.

Wotanin-wašte Ayapi On Wocekiye.

Anpetu iyohi wicokaya he cin ehan heyapi kta:

Wanikiya wašte isto wacantkiye nita-wa glugal. canicipawega akan otkeyahan yann tka qon. maka akan wicaša unpi kin owasin Niye ekta etonwanpi qa niwiciyapi nnnwe. AMEN.

WAKANTANKA Iyotan wašake cin. Wokapi ed Itancan kin, Woksapi Nitawa kin ed Itanipi kin nakan sanpa yewicayasi kta e onšičiya icemniciyapi: hecel Wawanglake wicaša na wacinyepica heca iyenakecapi kin on Okolakiciye-wakan nitawa kin iyuskin kta, na Nitokiconze wašte oicago tawa kin yutankapi kta: Jesus Christ Itancanunyanpi kin eciyatanhan. AMEN.

O WAKANTANKA, tuwe wicawe wanjila on. wicaša oyate hiyece cin oyasin maka kin owancaya etipi kta e wicayakage cin. na tona itehanyan naiš kiyela unpi kin, wokkiye owicakiciyakin kta e Nicinca wašte uyaši qon: wicaša oyasin onilepi na iyeniyapi nnnwe. Oyate kin optaye nitawa kin opewicaya ye, na Ikcawicaša kin wokiconze nitawa ekta awicagli ye. Tona wicayeco kin ecela wicahucetn, na nitokiconze kin kohanna nyakiyin kta icemniciyapi: Jesus Christ Itancanunyanpi kin hee eciyatanhan. AMEN.

O ITANCAN, tona nunipi kin hena awicayakite caniwicayayin kta e yahi kin, na mahpiya ekta na maka akan wowašake-ataya nicupi kin, tona eonwiciyashi kin eciyatanhan, wicaša otioyohi Wotanin Wašte kin owicakiciyakin kta e iyayapi kin, on Okolakiciye wakan Nitawa kin wocekiye eye cin nayahan kta e icemniciyapi. Taku wokokipe el ipi kin owasin etanhan ewicayaku ye: maka puze cin wokokipe kin etanhan, mini wokokipe kin etanhan: makosica on wicate cin etanhan: šicaya wicakuwa toohitika-kin etanhan: wocetungla na inahnipi etanhan: wowacinibošake na owolutaton kin etanhan: na oiyokpaza itancan iciconzapi kin owasin etanhan ewicayaku ye. Na wofupi na minakastaupi kin icunhan waicahye cin, Niye. O ITANCAN, uwicakiciya ye, Ikcawicaša wicota hein omawicaya ye, Christian tamakocepi kin ekta tona wowanikiye hinko tanka aktapi šni kin hena wicaynhoimi ye, hecel. O Maka Wanikiya waonšila kin, Nicaje yatampi kta na Nitokiconze u kta: Niye. Ateyapi kin na Woniya Wakan kin ob woyuonihan na wowitan luha, nnnwe, maka owihauke waninl. AMEN.

Wotapi šni Itokam Wocekiye wan.

O ITANCAN, wopila unnicupi. Wotekapi kin wolwicaya ye, na wicaša oyasin, maka sitomniyan, Wiconi Aguyapi ni un kin Mahpiya eciyatanhan hi kin he olepi na iycyapi kta e icemniciyapi. AMEN.

Grace Before Meals.

THANKS be to Thee, O Lord. Feed the hungry, and grant that all men, everywhere, may seek and find the Living Bread which cometh down from Heaven. AMEN.

Anpao kin :

Tohinla takula oyageišišni tuka ito taku tona tawacin el yuha waun ca he waglaotanin kta wacin.

Tokeca on Okolakiciye Wakan kin el wicaša na winyan kin hunli hunkapi šni he. Taku tona on hececa awableza. Wicaša wakanpi na hehanl oyate kin. Wicaša wakanpi, Koška itancanpi na Wawokiyapi kin hena Okolakiciye Wakan kin el tanyan wacconpi na tanyan oňanyanpi kinhanl hehanl iš eya oyate kin etanhan woonspe icupi na wiciliakanu manipi kta tuka. Leqeš Wicaša wakanpi, Koška itancanpi na Wawokiya unpi kin hena taku wanjigji on tanyan šniyan on icajewicayatapi na on Okolakiciye Wakan kin on ihunkešniyapi sa. Wacekiye wicaša unpi kin hunli maka akanlya oškiniciyapi el lila ohitiya škanpi sa. Akeš iunli iš tuktel tipi wakan wan awanyakapi kin el oyate wicikokan nainpi na wowahokonkiye eyapi kin icunhan el wicaša na winyan qeya cante ecinšniyan kiciyuze qeya ohan wiciopeya yankapi e wanwicayake cinhan he tuwe kin tokel tawacin gluha najin lwo, ecanmi eccc.

Ilo lena taku kin on Okolakiciy Wakan ihunke šni na wicaša na winyan wanjigji wicohan wakan kin el kagipi na nawicatakapi kin he iyeecca. Wicaša wakanpi, Koška itancanpi na Wawokiya kin oňanyanpi kin na econpi on hececa. Hena oyate kin ohan tanyan owotanla, wicakeya, ksamyahan oňanyanpi kta e unpi, hena yuwakanyan manipi kta ca unpi na hetanhan woonspe wan hinanpe na wanyakapi kinhan on oyate kin iyeece ašičiya oňanyan wacini kta tuka. Hena tawahokonkiyepi kin eceela wašte na wiciyokipi heca kte šni, tuka tuwe ie cin he iyeece oňanyan na ogna igluha hantanhanš hehanl oyate kin ihakan manipi na taku eye cin he iye iyatayela el yuecetu wacin ogna oňanyan hantantanš hehanl iye taoyate ota canku wan itokeca ogna aye cin hetanhan iwicakikicu kta okihi. Tka leqeš ipi kin on eyapi na behanl wanjigji iš taku tona šica keya Wowapi Wakan kin el unkokiyakapi na onspenkiyapi, na hehanl iye hena ee ca šica keyapi na hinakaha hena iye ogna nałmala škanhanpi, hena hececa kin on Okolakiciye Wakan henke šni, na on wicaša na winyan wanjigji Okolakiciye Wakan el yapi kta okihipi šni. Tona el tokahanpi kin hena he kagapi kin ee. Ho heon mitakuyepi, Wicaša Wakan, Koška itancan na Wowakiya yaunpi kin ito ašičiya po, hecel unkiš tona nihakan unkupe na taku eonunyašipi kin hena wanjihecin ogna wacconqonpi kta. Hececa kinhan Okolakiciye Wakan kin wašaka aye kte, na sanpa

wicaša na winyan ko el ewacinpi, na eciyatanhan Christian wašte na wacinyepica heca icagapi kta.

Ho tona Anpao iyacupi kin hena napeciyuzapi.

D. W. Turkey

Rosebud S. D.

[Iwankam kola taku eye cin on, ito oyasin Advent omaka Anpetu wakan iyamni kin on Wowapi (Epistle) kin he, nahan Lent el Anpetu wakan tokahya kin on Wowapi kin unyawapi na awauncinpi wašte. Anpao kin.]

B. C. U. WOTANIN.

Oak Creek,

St. Elizabeth's etanhan.

Anpao kin :

Taku wan oyag ciši wacin. Le omaka kin wi akenom ake koška onšika tona Wakantanka Okolakiciye kin wowaši ecakicon wicaši canke hena oitancanpi kta Jan. 7, 1911 qonhan wicakani-gapi.

Itancan, William Shell ; Itancan okihe, Thomas Kicking Bear ; Wowapi kaga, William Walking Shield ; Mazaska awanyake, Leroy Šate šni ; Wayazan awanyakapi kin, James Kanyela opi na Ignatius Carria ; Wannayanpi, David Okise na Oscar No Heart ; Tiyoa awanyakapi, John Good Fur na James Bear Shield ; Maka qapi kin, Martin Saugmanon na Luke Good Fur.

Ho mitakolapi lena koškala hea ecccapi wahchantu hecin wicohan tani na taku šica na wawiyutan kin ignipi pa kolayapi wašte tka. Lena tiwahc iciglepi na woyuha yuhapi kta cinpi, na iyotan cinea-pi kin taku on niunpi kta awicakitapi. Yunkan iyotan Wakantanka on niunpi kin tanyan iyekiyapi canke heon wokiksuye na wopila kin aigluhapi kta onšičiya Wakantanka wowaši ecakiconpi kta e ašičiya bliheya wakta pičiyapi. Ho mitakola tona le wanlakapi kin onšičiya yuonihanyan nape ciyuzapi. Onšike na walpanica waslolye šni qon he miye.

William Walking Shield.

Norris, S. D.

Anpao kin :

Rosebud ekta St. Paul's Chapel el B. C. U. oaletka un kin Jan. 1911 hetan ake oitancan teca wicakagapi: President, John Cordier ; Vice Pres., Chas. O. T. Battle ; Treasurer, Daniel P. Thunder ; Secretary, Albert C. Bear ; Waiyaksape, Geo. Weasel na Silas O. Bear ; Wamnaye kin, Jackson C. Bear. Ilo hena ake B.C.U el wowaši econpi kta wicayustanpi. Omniciye le ciqala eša B.C.U. el tokel wowaši econ kte cin ogna wašagya najin. Ignuban

tona awacin šni un kin hena el ecinšniyan iyaniglaškap kinhan. Tokel wicowotanla kin woaltani kici tila kta he, na tokel iyoyanpa kin okpaza kici un kta he. Heon etanhan cokayatanhan tankal upi na ipaweli un po, Itancan kie eya ; na taku ašape cin oyutanpi šni po, kinhan miš tawaciyapi kta. 2 Kor. 6: 14-17.

Tohanl B. C. U. kin muiciyapi can lila iyokicipaštakapi wašte. Nape ciyuzapi. Christ el nitakuyepi kin wanji miye.

A. C. Bear.

Wakpala, S. D.

Anpao kin :

Wicohan wanji iwanyakapi wašteke lo. Tona Protestant Episcopal yaunpi kin hena le ableza po. Hekta waniyetu wicemna nom sam iyeya Convocation owicohan kin solwaye na hekta waniyetu yamni hetanhan tahenakiya ocnani kin iglala cti omanipi kin wašakala, ta tabenakiya oomani šice hee, makoce kin wicaša tawapi canke heon. He ito Convocation kin iwanyakapi wašteke lo. Ho wanna epin kte lo. Tokan yunka wocekiye on omanipi kin lecel iwacekiyapi wašteke, maza canku okolakiciye kin el canku okise kajujupi kta onšičiya icewicakiyapi wašte ye lo. He omanipi kin he wicayusičapi kta on omanipi šni tka wicaša iwaštepi kta, na tawanpi kta, noge winahonpi kta na Okolakiciye ablezapi kta, tanyan igluhapi kta, na sanpa icage kta yacinpi, heon Convocation kin omaka iyohila ekta unyanpi, tka unkaecetupi kte šni wan el unyanpi, heon ito iwan-yaka po.

Hehan eya solwaye lo. Wicaša wakan kin canku okise kajujupi na omanipi canke heon epe šni, tka tokel Convocation kin icaga yacinpi hecinhan etkiya ablezapi wašteke lo. Eya Convocation hecel wayušan na ogna wicaša nom naiš yamni ecel iwawicasipi wašte kecanmi. Nakun eya Bishop kuwakiyapi wašteke lo. Eya le eya able kin icunhan Bishop W. H. Hare weksnye. Lakota waštewicalake canke taku tona iwaštepi kte cin na on tanyan igluhapi kte cin na nipi kta cin.

Ilo taku wanji on nakun leccetu, omniciye on omanipi kin Anpetu wakan nom yamni sam iyeya tiwahc tawapi ayušanpi na omanipi canke owoju iš waniyanpi naiš tipi, iš taku iyuha tanyanke šni. Heon taku epe cin le heccetu yunkanš Anpetu wakan oko wanjila tiyata unkipi yunkanš wašte kta, tka peji naiš tipi eša el etonwanpi kin iwaštepi kta tka. Tuwe Christian heca kin taku iyuha tanyan igluha ece. Ho heccetu. Nitakuyepi wan onšike qon.

Dominick Long Bull.

Manderson, S. D.

St. Philip's Chapel etan.

Anpao mitakola:

Taku wanji yaotanin ciši kte lo. Koškalaka omniciye apikiyapi hekta Nov. 7, 1910 he ehan, na lenakeca wotancan unpi: President, Joseph Two Bull; Vice Pres. Bat. LaDeaux; Secretary, James Brings Plenty; Treasurer, Robert American Horse. Lenakeca wi akenom Wakantanka ołlateya wowaši eekiconpi kte. Wicolian owotanla kuwapi kta wicakalınigapi canke tanyan econpi kta cinpi ohinnıyan wicolian wakan kin kiksuyapi cinpi canke iyecel Wakantanka ounkiyapi nin econpi. Ho hecetaya epa wacin ye lo. Christian tohanyan yaunpi hecin cantewasteya nape unniyuzape lo. Nitakola wanji onsike qon he miye lo.

Bat. LaDeaux
Vice Pres.

Levenworth, Kan.

Anpao kin:

Mitakoda, Anpetu kin de wotanin waste odake sa ece kin heca etanhan okdakin kta e ieciciye do. Ho unkan Okolakiciye wakan maka owancaya ieage cin oknayan Wanbdi ho waste, Rosebud etanhan Mini akaŝtanpi, qđ Herbert he caje qupi; qđ Aleck Lakota, Pine Ridge etanhan, qđ William Hobart he caje qupi, qđ dena Rev. Henry Swift wicakiciyustan.

Qđ hehan Jan. 29, 1911 kin denake wicayusutapi econpe do, dena, eepi do: William Hobart, Herbert Good Voice Eagle, Charles Little Dog, Albert Ouncage topa, Jacob Waqin ohdate, Isaac Małpiya wakan. Ho dena Rt. Rev. Frank R. Millspaugh, Bishop of Kansas awicaputaka. Ho dena hecetu kin en taku awacanmi kin dee ye do. Denkaška unqonpi kin icunhan Rev. H. Swift (Putinhan ŝaša) kici waceunki-yapi qđ taku cin kin dee soca kecanmi. Dehan kaška unqonpi keyaŝ detanhan unhinapapi kinhan canku wan wiconi kin he okna mauunipi cin, qđ wiconi inonpa kin ekta kaška unqonpi kte ŝni e he cinunki-yapi e becen okiwakalınige do. Ho de Rev. H. Swift kaška wanwicayag ipi kta wocekiye wowapi unkitawapi eye cin iyecetu kin heon South Dakota hokšina tonaken den unqonpi kin hena nina icante unwaste pi do. Ho hecetu we do. Anpao iyacupi ece kin iyuha nape ciyuzapi do.

James Riley.

Cannon Ball etanhan.

St. Gabriel Tipi wakan.

Ito dehan takuŝniŝni oyagciŝi kta. Hekta Wanikiya unkitawapi tonpi ed Mrs. Amy Iron Bull

cinea ob zaniyan hi keye qđ heon Wotanin waste \$1.30 okiya. Hill-ey No two horse nakun .25 okiya. P. Big Shoulder tawicu cinea kici .75 okiya. C. Cold hand tawicu kici zaniyan, qđ Wanikiya tonpi kin ed hipi keyapi wotanin waste ed \$1.00 okiyapi. Henonpin wance nakun \$1.00 okiya qđ Mrs. John White fire shot \$1.00 okiya.

Wanikiya tonpi anpetu kin ed Alex. Iron Bull Mini akaŝtanpi, he Tatanka maza qđ Amy Iron Bull cincapi. Rev. A. McG. Beede kiciyustan.

Horse Creek, Rosebud etan.

Anpao kin:

Mitakuyepi lehanl taku yaotanin maŝipi ea sam iwacinciye lo. Lecala winyan wakagege omniciye wan icaliŝiyapi yunkan taku tokaheya kuwapi kin he Okolakiciye wakan kin okiya ŝkinŝiyapi. Eya winyan kin lena lecala omniciye yuhapi ŝni tka hena Wicayusutapi opapi, Wotapi wakan opapi sa owacekiye el lila iyokicipaŝtakapi Bishop Johnson iyowinwicakiye. Woŝna kaga unkitawapi onŝiunkilapi na omniciye tipi wanji opeton wicaŝi ea wanna wanji opetonpi, Horse Creek oinajin eaŝtonpi, oinajin lecala ieage kin heon le onayaŝonpi uncinpi. Anpetu wakan wocekiye econpi canna lila oiyokipiya ahinniciye ye lo. Wowapi wakan wanji wicowoyake lecel eye qon he weksuye. Wakantanka taku pakinte kin tuweni ikeeka eciye ŝni yo, eye qon. Inŝe wayaotanin ciŝi yunkan taku ikeeka wanjini yaotanin ciŝi ŝni, taku oblake kin hena Okolakiciye wakan tancan el wowaŝi econpi ece oblake. Yunkan le tuwa wanalakapi kin onŝika ehapi kta wasteke lo. Winyan tona ptaya kinajinpi na canpagmıyanpi wojula un eŝa hektatanhan patitanpi nakunŝ ihupa ekta oyuspapi na yutitanpi; icin hena waŝakapi lakaŝ heconpi. He iyecel Wakantanka winyan tona wacinyepica wowaŝi ecaunkiconpi kta oitancan wicaglałnigapi. Wi akenom wowaŝi ecaunkiconpi lena oitancanpi: Jennie Lodge Skin, Itancan; Maggie Claymore, Okihe; Lena Pony, Mazaska awanyake; Amos Yellow Eyes, Wowapi kaga; Lucy Lodge Skin, Wannayan; Sophia Bear Looks Behind, Wokagege gsnake; Sally Yellow Eyes, Wokagege wıyopeye; Mrs. Lodge Skin, Tıyopa awanyaka.

Tona Anpao iyacupi hecina iyuha cante wasteya nape ciyuzapi.

George Pony.

Anpao kin:

Kola, Eya wowapi wanji cicagin kte lo. Wanna Okolakiciye wakan etanhan Tipi wakan oyanke ecel hiye ye cin owasin se wowapi

on niye el igluotaninpi eŝaŝ Holy Innocents Tipi wakan eyapi letan tohanni heconpi ŝni na nakunŝ tuweni hecon ŝipi ŝni. Eya Tipi wakan kin le etanhan B. C. U. eyapi kin hec, na Winyan omniciye eyapi kin henayos oaletka kin lel yuhapi na hena wowaŝi econpi eciyatanhan Tipi wakan yamni ieage, St. Peter's, Epiphany na St. Mark's. Nakun wanji on womnaye econpi na he St. Luke's Tipi wakan eyapi kta. Hena iyohila el B. C. U. na Winyan omniciye yuhapi. Omniciye el itancanpi kin Okolakiciye kin yuha waŝakapi nainŝ waŝakapi kte ŝni kin he iye awanglakapi, tuka waŝakapi kta cinpi na he ognayan ohinnıyan iecikiyapi ece. Eya tohanni wicolian tanka wanjini econpi ŝni tuka taku econpi ece kin hena Wakantanka towitan na towaŝelake on econpi. "Heon etanhan waskuyeca tawapi on slolwicayapi kta." Wanna koška na wikoška waste pi na tiwahe etanhan wocekiye el wowaŝi econ waste lakapi kin cincapi kin ko ota hecin maka wiconi kin le ayuŝtanpi, hecel hena wanna Wakantanka tawa, na tohanl Cinhintku kin ake u kin hena ko owasin iye toyanke kin el unkaglapı kta e ohinnıyan awauncinpi. Eya omniciye nopin wocekiye el waŝakapi kte hecin icunhan wokakiye na wocante ŝica yuke, na hena on wicetawacin toketu tanın ŝni eŝaŝ zanipi qon hena kitanla se abliheciyapi na Christ Wanikiya towitan eciyatanhan on wicolian waste wanjigji econpi. Ho inŝ Christ Wanikiya hecel eya "Wıyuskinpi na nina cante waste po, małpiya ekta ocinyopeyenıyanpi tanka yanke."

Ho hecel taku owasin el cante wasteya na cante wanjila Wanikiya Itancankiya Omniciye obe nopin Okolakiciye wakan kin el wałwayela wowaŝi econpi, na nakunŝ wicaŝa tokecapi na tona ceya unpi kin, na tona wayazankapi kin hena cantewicakıyapi ece. Ho ake akıhanıciyapi omaka eyapi kin el ake owasin zaniyan ihunnipi kte, ynnkan ake wicolian tona waste slolyapi kin wanjikji yuha tawacin ataya on Wanikiya el łitanipi kte. Ho mitakola Lakota oyate unqonpi kin wicolian tona waste slolunyanpi hena waste unlakapi. Yunkan Wanikiya el wowaŝi econpi eyapi kin wicolian ihankeya waste na iyełca hecel eya "małpiya ekta ocinyopenıyanpi tanka yanka." Ho hecel tona wanna wocekiye el oagle ŝntaya unkiagapi leci akıhanıciyapi omaka eyapi kin el etułci kitanla se abliheciya wicolian waste kin le el unkitakuyepi waslolyapi ŝni, na wicalapi tka nahanıcin okalınigapi ŝni hena slolyewicunkiyapi na okalınılwicunyanpi waste. Eya el upi kta on wicunkıpanpi tka nałıonpi ŝni, na el upi ŝni ehan tanhanŝ heon Wanikiya hecel eya,

"Heon etanhan ya po, oyate owasin waonspewicakiya po, na taku tona econciŝipi kin owasin yuhapi kta e onspewicakiya po." Ho Wanikiya unkitawapi taku tona econunŝipi qon wanjinılci ecel econqonpi ŝni, na hena tokata ecel econqonpi heci unkiyungapi kinhan tokel unka-yuptapi kta hwo. Ho mitakola ehake iyapi wanji epin kte lo. Wotanin waste ayapi on yewicaŝipi wicolian kin he tona Christ Wanikiya ihakam un kta unkiŝiconzapi qon hena wicolian kin he unkiŝ eya iyeceł iyounwajapi tuka unkiŝaoyate pi cna wicolian kip he unkiŝiyankapi. Ho, na Okolakiciye wakan unkitawapi etanhan wicaŝa na winyan ko ota oyate toktokeca unpi ektakta Wotanin waste ayewicakıyapi, unkiŝ eya wanjigji ekta unhipi na on etanhan wanna Lakota oyate kin otalıci wicaŝa iyecel unqonpi. Wicaŝa na winyan waste pi kin lena taku econwicaŝipi kin tanka, ho na owicakıyapi on mazaska wıcaqıpi kin nina cigala, hecel on otalıci tanyan wotapi ŝni eyapi, on eciyatanhan unkiye ekta okıye wıcnıyanpi na wo wıcnıka-yapi iyecel womnaye tawapi kin el le maka kin kitanla se abliheciya yutanka wauncinpi on mazaska unkitawapi yewicunkiyapi kin hecel cante waste pi na akta blıhelya Wanikiya wowaŝi eekiconpi kta iyececa. Eya mazaska tokeyatanı unıyuhapi iyececa ŝni tka Taku wakan maka kage cin he unkiye unkiagapi eyapi kin wowıcake na heon wanna hankeke wıyopeunyanpi na on takunı icakıye ŝni unqonpi he wanna unkablezapi waste ye lo.

F. Taŝunke tanka.

Good Shepherd,

Little Oak Creek, S. D.

Dear Day Break:

Mitakola, lehanl ake wicolian nom miyeciyaotanin kte lo. Good Shepherd oyanke el Feb. 5, 1911 hehan wicincala wanji Baptisma qupi na he lee. Sarah Dog Eagle, hunku kin Edith Dog Eagle.

Ake Feb. 7, 1911 he ehan wicaŝa wan te, he caje kin lee Adam Fool Bull. Wicaŝa kin le ehanni oyate ikeeya unpi qon he ehanl okicize ota econ na ecel wicaŝa kin le opi. Hececa eyaŝ Wakantanka yus an na ecel iwaŝtela kul iynke. Yunkan heon taku wanji unkablezapi wacin ye lo. Wicaŝa kin le waniyetu wikceanna yamni ehanl Wakantanka winyan wan qu kta na yuha ŝi canke wanna icu na kici kiciyuzapi, na hetan tahenakiya aipi kin nopin waŝtekieilapi na oiye anakicigoptanpi, na kiciyuonıhanpi canke Wakantanka yus awıcan na ecel Feb. 7, 1911 anpetu kin el kiwicayuspe, na heon winyan kin lila canteŝica. Hececa eyaŝ Wowapi wakan oagle wanji on wahokon-

wakiya na he lee, "Ignuhanla cante nišicapi kin, Wakantanka wicalayapi na miš wicamayalapi. Ate ti kin ekta oantapi kte cin ota yanke, he hececa šni unkanš ošicayakapi kta, tka ekta wagle na oyanke kin piciciyapi na ake wau na aciglapki kta."

Tohan can wanji ponpon canna tanyan bosla han koš ungnahela yunka he, heon mitakolapi bliheca po, Wakantanka on litayanipi kin he otuya kte šni heon.

Johnsen B. Eagle.

Santee, Neb.

Mitakuyepi, Okolakiciye wakan en yaunpi kin he ito taku wanji owahdake wacin. August 28, 1910 he chan wotehi tanka awakija. Ina elpeimayaye, otitokan iyaye. Hehe ate ina kici nina tewicawaliida qon ina wanna iyaye, qa dehan ate kicišnana ni waun. Ina wanna waniyetu ota, wikcemna šahdogan sanpa yamni cetu. Hehan ina ta wannakaš Wabasha wicalicadan kin he takojkpaku. Ito tuwe miye kin he sdonayayapi naceca. Tona wocekiye ed yaunpi hena sdonmayayapi, o'hinnian omniciye ed waun. Heon ina ta kin de wacekiye wicašta wanji omiciyake kta epea tka, tuwedan oyake šni. Ina wanna wašake šni wanke unkan koška wan David Mazakute eciyapi tin biyu qa decen eya "wanna kunši wašake šni he" eya. Ho epa, unkan mazaska tom eldaku qa kunši dena on owakiye do, eya. Heen han, tanyan ecanan epa, Wakantanka niyawaste nunwe. epi. Tuwe wacantkiye cinhan iye wiconi owihanke wanice kin ohiičiye kta ce, eyapi, he iyecen koška kin de taku ota tanyan eon heon nina piwecida. Ina ta ce epe kin he decen eciyapi, Petayuhe win, Okise maza tawicu kin, Lucy Westman eciyapi.

Anpao iyacupi owasin nape ciyuzapi.

Henry Westman.

Rosebud etanhan.

Anpao kin :

Mitakola ito lehan taku wanji miyecilaotanin kta wacin on le wakage lo. Hekta omaka Nov. 20, 1910 qon hehan hokšila wan micitonpi, yunkan ehantanhan hi yamni yukan tonpi, ho hecel le anpetu kin el makite lo, Jan. 20, 1911. Lila tanyan un na ungnahela wayazan hingle na anpetu yamni wayazan na te lo. Ho lila iyomakišice yunkan ungnahela wacoiye le weksuye. Walica wan ohinhanna el hea na icanl wašepi keš wi kin wankal wapa u can ungnahela hein šnije cin iyecelcin hokšicala kin le is to hinbanna kin wiciyokipi tka wana unkitokab iyaye cehan tka wotehi hena slolye šni hein iyaya ce, iyokišicapi šni po iye tanyan hein un kta ce eye qon he wicoiye kin weksuye na akeš icanl mawašte ye le. Ho mitakuyepi tona Anpao iyacupi kin hena wocekiye on

miyeksuayapi wacin ye lo. Nitakolapi wanji miye lo.

James Search the Enemy.

Wakpa wašte, St. James oyanke.

Kola:—Le anpetu kin takul yatatin ciši kte lo. Eya kola lecala March 5, 1911 hanhepi mazaškanškan wikcemna chanl winyan wan Elizabeth Tašunke luta win eciyapi, waniyetu 63 hehan te lo. Yunkan winyan kin he inawaye canke oiyokišica bluha ye lo. Wi yamni wayazanke lo. Yunkan winyan kin he Wakantanka wacinyanpi wicakapi heca ye lo, tabcan on tawacin on wacinyanpi el wowasi mani un. Wakantanka epazo, on watonka, Okolakiciye on maka akanl ni un kin icunhan lecel iyo-tiyekiye lo. Yunkan lehanl wanna asniikiye Wakantanka el ištinnal. Mitakolapi tankši kici otiwota amayuštan na unyan unkiyayape lo, canke cewa unkomani. Yunkan Christian yaunpi le on unyeksuayape ucinpe lo. Ina Wakantanka wacinyanpi eciyatanhan wokiksuye wašte unkiicigapi, nakun ina Okolakiciye wakan unpi kin eciyatanhan wacinyepica heca heon wokiksuye kte iyecceca ye lo. Ina tohanl wanna iyayin kta icunhan nape sani obluspe na cankpeška makigle inawajin na itancan tawocekiye epe. Mitakola tona Anpao wanlakapi owasin le on unyeksuayapi wacin.

Henry Young Bear.

Wakanpi oyasin (All Saints) anpetu ea Hinbanna wocekiye el woonspe tokaheya kin Woksape wowapi etanhan wicowoyake iyanmi na oegle 1.10 kin he yawapi kta kalnigapi, tka Lakota Wowapi wakan okage cin el un šni. Heon le untagapi, na Wacekiye wicašapi kin patan gnakapi wašte.

Wisdom 3: 1-10.

1. Tka owotanla unpi kin nagipi kin Wakantanka nape kin ogha unpi, na wokakije takuna ikiunniwicaye kte šni.

2. Ksapapi šni ištapi kin el tpi sececa, na tokanl yapi kin he woiyokišica ce ecinpi.

3. Na unketanhan iyayapi kin he woihangye yawapi; tka wookiye el unpi ce.

4. Wicaša ištapi el kakijapi se eša, woape tawapi kin he owihanke wanica.

5. Nahan eistiyela iyopewicayapi qeyas tankaya wawicayupi, icin Wakantanka iwicakiyucan, na iye wicayuha kta kipipi slolya.

6. Mazaska—zi ceti el un kin iyecel iwicayute, na woliuhahya wošnapi iyecel iwicacu.

7. Na anpetu tawapi iyehantueca iyeliyegapi kta, na aguyapi lu kin egna pešniya iyaye cin iyecel inyanakapi kta.

8. Oyate kin wicayasupi kta, natawawicayapi kta, na Itancan kin wiciwankab un kta maka owihanke wanica.

9. Tona iye wacinyanpi kin wowieake okalinigapi kta, na tona iye el wacintankapi kin iye kici wowaštelake el unpi kta, wakanpi tawa kin hena wowašte na wowašnšila yuhapi kta, na tona wicakalnige cin ohinni awanwicayake cin heon.

10. Waoholapi šni kin tona owotalapi awicakta šni, na Itancan ayušanpi kin iye tawiyucanpi kin ognayan kakišwicayapi kta.

ST. ANDREW SUNKAKICIYAPI KIN.

Niobrara Deanery obašpe kin he ohdateya St. Andrew Sunkakiciyapi Provincial Chapter un kin he tokata June..... 1911 hehan Rosebud Reserve ekta, Omniciye Inapciwanka kin le cecipi kta, Omniciye oecan qa taku tona iwokdakapi kte cin he dera ce.

FRIDAY, JUNE..... 1911.

7 A. M.—Wotapi wakan icupi kta.

9:30 " Hinbanna Wocekiye, Catechists, { Stephen Murray qa James Clairmont econpi kta

10: " Ikiciyuškinpi woeye, Rev. A. B. Clark, Rosebud, S. D.

Woayupte kin, Rev. E. Ashley, Cheyenne Agency, S. D.

10:40 Wowahokonkiye, Rev. B. P. Lambert, Rosebud, S. D.

11:15 Oitancanpi kin apiwicayapi kta, qa Kalnili hipi kin caje owicawapi kta, qa Report ahipi kin hena yawapi kta.

12: Yewicašipi on wocekiye.

2:00 P. M.—Odowan qa Wocekiye, Rev. Dallas Shaw, Rosebud, S. D.

2:15 " "Taku ayakita he?" (St. John 1.38), Rev. N. Joyner, Pine Ridge, S. D.

2:40 " "Wocekiye woopo" token kapi he? Henry Whipple, Santee, Neb.

3: "Woecan woopo" token kapi he? William Shell, Standing Rock, S. D.

3:20 Wowapi wakan kin token onspeiciyapi kta le? Melvin Lodge, Crow Creek, S. D.

3:30 (a) "Ihakanya," Richard Keble, Pickerel, S. D.

3:50 (b) "Iyeya," Clement W. Soldier, Rosebud, S. D.

4:10 (c) "en ahi," Zenas Graham, Flandreau, S. D.

4:30 Wowicada eyapi kte cin hena tuwepi he? William Gassman, Lake Andes, S. D.

7: Ainina Wocekiye (Quiet Hour), Rev. H. W. St. Clair, Morton, Minn.

7: Woiwange qaiš taku toktokeca.

SATURDAY, JUNE..... 1911

7: A. M.—Wotapi wakan icupi kta.

9:30 " Hinbanna Wocekiye, Catechists { Stephen King qa Richard Keble econpi kta

10: " Wakanšica kin tuwe towašake on wicaša kin waeconkiyabe? Rev. John Flockhart, Greenwood, S. D.

10:30 Hokšipina kin token onspewicakiya pica he? Henry Stinger, Andrus, S. D.

11: Wicaša kin he taku, qa token sdoničiya kta he? Rev. Isaac H. Tuttle, Pine Ridge, S. D.

11:20 St. Andrew Sunkakiciyapi opapi kin taku e ainyankapi he? Louis Dorian, Rosebud, S. D.

11:45 Ten Minutes Recess.

12: Wicokaye Omniciye, Rev. William B. Roberts, Dallas, S. D.

1:30 P. M.—Iteowicawapi kta.

2:30 " Odowan qa Wocekiye, Rev. William Saul, Santee, Neb

2:45 " Tipi wakan itimahen token ničan on waonspeyakiye kta he? Robert Obashaw, Greenwood, S. D.

3:30 Iyaza omani kin he wokdake kte.

4: to 5: Taku toktokeca.

7: Sanpa Woniya Wakan unkicicagapi kta e token econqonpi kta he? Rev. A. B. Clark, Rosebud, S. D.

8: James Houghteling, qa tona tpi kin on wokiksuye wocekiye eyapi kta. Itancan kin.

SUNDAY, JUNE..... 1911

10:30 A. M.—Hinbanna Wocekiye. Sunkakiciyapi woeye (Charge to the Brotherhood), qa ataya Wotapi wakan icupi kta.

Rev. E. Ashley, Cheyenne Agency, S. D.

2:30 P. M. Wocekiye. Rev. Eng. St. Bull qa George Lawrence. De iyohakab Wicaša wanjikji wokdakapi kta.

7:30 " Ataya Wacekiyapi kta. Wahokenkiye, Rev. H. Burt, Crow Creek, S. D.

Committee,—

William Holmes.

Joseph Goodteacher.

Louis Claymore

William Abraham.